

宋元明清傳記
資料叢刊系列

宋代傳記
資料叢刊

本社影印室輯

北京圖書館出版社



宋元明清傳記
資料叢刊系列

宋代傳記 資料叢刊

本社影印室輯

43

北京圖書館出版社

第四十三册目錄

南宋館閣錄	宋·陳	騷撰	一六一
南宋館閣續錄	一六一

南 宋 館 閣
錄 十 齋 續
錄 十 齋

光緒丙戌八月
武林丁氏開彫

欽定四庫全書總目

南宋館閣錄十卷續錄十卷

永樂大典本

南宋館閣錄十卷宋陳騭撰續錄十卷無撰人名氏騭字叔進台州臨海人紹興二十四年進士第一慶元初官至知樞密院事兼參知政事忤韓侂胄提舉洞霄宮卒諡文簡事迹具宋史本傳陳氏書錄解題謂淳熙中騭長蓬山與同僚錄建炎以來事爲此書李燾爲序續錄者後人因舊文而增附之今考是錄所載自建炎元年至淳熙四年續錄所載自淳熙五年至咸淳

五年皆分沿革省舍儲藏修纂撰述故實官秩
廩祿職掌九門典故條格纖悉畢備亦一代文
獻之藪也世所傳本譌闕殆不可讀惟永樂大
典所載差爲完具今互相考訂補其脫漏者三
十一條正其舛錯者一十六條而其紀載諸人
爵里有與宋史互異者並爲臚注以資參考惟
前錄中沿革一門續錄中廩祿一門永樂大典
所載亦全卷皆佚無從補葺蓋是書殘缺已在
明以前矣今亦姑仍其舊焉

原序

館閣錄十卷洎熙四年秋天台陳騭叔進與其僚所
共編集也上世官修其方故物不坻伏後世弗安厥
官其方莫修職業因以放失夫方云者書也究其本
原事迹及朝夕所當思營者悉書之法術具焉使居
是官者奉以周旋雖百世可考爾周官三百六十官
各有書小行人適四方則物爲一書多至五書蓋古
之人將有行也舉必及三惟始衷終依據審諦則其
設施斯可傳久

案原本自此以下脫去
今據文獻通考增入

六龍駐蹕臨

安踰四十年三省樞密院制度尙稽復舊惟三館祕

閣歸然傑出非百司比自唐開元韋述所集記注元
祐閒宋宣獻之孫匪躬作館閣錄紹興改元程俱致
道作麟臺故事宋氏皆祖韋氏而程氏故事并國初
他則多闕蓋未知其有宋錄也惜最後四卷俄空焉
余屢蒐采弗獲欲補又弗暇每每太息今所編集第
斷自建炎以來凡物巨細靡有脫遺視程氏誠當且
密官修其方行古道者不當如是耶昏忘倦游喜見
此書乃援筆爲之序李燾撰

南宋館閣錄卷一

宋 陳騏 撰

沿革 闕

南宋館閣錄卷一

南宋館閣錄卷二

宋 陳騏 撰

省舍

祕書省初復是時駐蹕紹興府寓於火珠山巷

紹興元年

五月祕書少監程俱請以火珠山巷孫氏及呂惟明沒官屋二所權置局從之見祕書省聖旨簿

紹興二年移蹕臨安府始寓於宋氏宅再徙於油車

巷東法惠寺自寺殿之後爲省中廳三間廳後主廊

一間堂五間廳堂兩傍省官分居之

廳前有松柏六株

其南

有屋三間祕閣三館書藏焉東廊前爲倉史堂吏舍

次之省官位又次之西廊前爲吏舍裝界作次之廚

次之廁又次之省東爲實錄院其外爲儀門中門三

間廳三間左爲承受位右爲檢討位

廳前有井亭柳六株有角門通

省祕書

後主廊一間廊後屋三間兩傍爲檢討位後堂

五間兩傍爲修撰位

堂後有竹二十餘竿

廳東爲吏舍及主管

諸司位又東有土庫三間

新省既成以舊省爲懷遠驛驛廢爲臺諫宅舊實錄

院初爲敕令所今爲太常寺

紹興十三年十二月詔兩浙轉運司建祕書省十四

年六月二十二日遷新省

從祕書丞嚴抑之請重建既成得旨以是日遷

省

在清河坊糯米倉巷西懷慶坊北通浙坊東地東西

三十八步南北二百步

是年四月二十九日本省劄子新省圍牆外見今各有空地竊

慮官私亂有侵占欲各量留空
地五步充巡道以禦火災從之
大門三間七架門南向兩

傍築短牆設柱門臺左右列綠
父子門外有冬青四株柳六株
門東廊六間五架

監門直舍守門執事
門西廊十間五架點檢案知雜

官房裝界作在馬
門西廊十間五架案經籍案祝

版案太史案
右文殿門三間七架有金書右文殿門

宿直房在馬
右文殿門三間七架牌門外有柳十四

株冬青五株門左右
東西偏門各一間夾屋各四間

兩池四傍皆植芙蓉
東西偏門各一間夾屋各四間

皆五架省官於東西偏門外上下馬東夾屋二間為

廊二間為工匠房東西偏門外設潛火大桶二十小
桶三十八栲栳杓百柄鐵搭鉤二麻索二藏於潛火

司右文殿五間漆上御書金字右文之殿牌前設朱

羅帕褥御屏畫出水龍後山牆周以壁風朱漆簪繞
以欄楯殿兩傍設牌曰殿閣御座不許呵唱殿前踏
道磚路兩傍柏十株舊有殿後祕閣五間高四丈上
左右列朱漆大水桶十

御書金字祕閣牌中設御座御案腳踏黃羅帕褥御
 屏畫出水龍閣上木雕朱漆殿一座安奉聖政會要
 日麻御製札等閣上下周回設朱漆隔子黃羅簾并
 風簷繞以欄楯兩傍設牌日殿閣御座不許呵唱
 閣前有拜閣臺接右文殿臺左右有踏道磚路通東
 西廊皆有欄楯臺東西各
 有冬青四株祕書監陳騏植閣後道山堂五間九架
 柏八株舊有左右列水缸入閣後道山堂五間九架
 堂牌將作監米友仁書堂兩傍壁畫以紅藥蜀葵中
 設抹綠廚藏祕閣四庫書目前有綠漆隔三十扇冬
 設夏除照壁山水絹圖一又軟背山水圖一有會集
 則設之紫羅絲細竹簾六鐘架一并鐘一口黑光偏
 凳大小六方棹二十金漆椅十二板屏十六絹畫屏
 衣一鮫綃額一鶴膝棹十六壺瓶一箭十二大青
 綾打扇二小綾草蟲扇十五夏
 設黑光穿藤道椅一十四副
 日幄一冬設春收棚前有芍藥欄二祕書少監湯思
 退植木樨八株柏二株舊有梅七株金林檎六株柳
 六株海棠六株紅蕉二株內紅梅一株著作佐郎
 李遠植餘皆祕書監陳騏植又有芙蓉蜀葵數叢
 堂

後軒一間

前黑漆隔六扇東西北三面皆黑漆檻有窗十八扇冬設夏除檻外青絹緣竹簾九

夏設金漆椅棹腳踏各十四黑漆嵌面屏風十四冬設漆火櫃一屏風嵌畫古賢鐵火盆一紫綾褥三蒲

座三紫絹墊十六紫絹緣簾

一舊黑長偏凳黑長棹各二石渠在祕閣後道山堂

前長五丈廣一丈五尺跨渠石橋一內植荷蓮橋乾道九年祕書少

監陳騏立堂東二間九架監居之中設偏凳一黑漆棹子一椅子二黑漆嵌面屏

風二牀一帳一薦四蓆一緋絹牀裙一入摺屏風一

黑油火爐一油簾一面桶并架子各一青絹緣竹簾

一監少位窗外皆有竹二十餘竿祕書監李燾植金

林檎二株祕書監陳騏植位前設紫絹緣竹簾并吏

板堂西二間九架少監居之鋪設什物東廊凡四十

二間案下文所列止三皆七架太監位之東一間為

光館庫庫門設光館例牌兩傍設小牌日應庫北壁

本庫錢物不許與公庫兌移支使

設牌十

日謝時服日宣麻日拜表日朝獻陪位日上壽習儀日聖節滿散齋筵日天申聖節開啟

日天申聖節滿散日會慶聖節開啟日會慶聖節滿散至期各於前一日掛於道山堂之前南一

間為諸路解發次二間祕書丞居之

內一間設金漆偏凳二棹一椅

二牀一黑漆嵌面屏風一蓆一薦四牀裙一油簾一黑油火爐一東有瓦涼棚三間棚前植竹位前設簾

并季點又次三間館職分居之

中虛一間傍分兩位鋪設什物如祕丞位

東有瓦涼棚三間次一閒御書石刻

門設朱漆欄黃絹額內藏太上

御書石刻右文之殿文賦干文養生論登樓賦高唐賦神女賦舞賦琴賦古意史節次三閒為

古器庫 內設綠廚三木架六以藏庫前夾廊一間

通

閣次三閒館職分居之

中虛一間傍分兩位鋪設什物如祕丞位

間位前設校警式牌次三閒為拜閣待班之所 內設金漆椅棹